

Beitu, zenbatu, gehitu
ondokoak baino mugikor txikiago bat
ondokoak baino titi handiagoak
ondokoak baino kotxe azkarrago bat
ondokoak baino modelo berriago bat
ezin esan, ezin egin
ezin pentsa, ezin senti
dena da hemen debekugai

Aske zarete, libre ©
zuen kaiola erraldoietan
dena eros daiteke
zuen kaiola erraldoietan
hala ere kexu zara
zure kaiola erraldoi horretan
katez alda dezakezue
zuen kaiola erraldoietan

Beitu, zenbatu, gehitu
ondokoak baino mozkor luzeago bat
atzokoa baino saio kutreago bat
atzokoa baino kantu errezago bat
ondokoak baino gerri argalagoa

ezin esan, ezin egin
ezin pentsa, ezin senti
dena da hemen debekugai

Aske zarete, libre ©
zuen kaiola erraldoietan

Beitu, zenbatu, gehitu...

Mundua obratan dago baina guk ez dugu ezer apurtu
eta euria ari du, baina guk ez dakigu nork
eta haizea haserre dago, baina ez dakigu norekin
eta itsasoa?
itsasoa ere haserre dago
eta izen pare bat okurritzen zaizkit
baina isildu egingo naiz demokraziaren izenean

Aske zarete, libre ©...